



GARIS PANDUAN PEMASANGAN PATIL NAMA JALAN DAN PAPAN TANDA NAMA TAMAN BAGI PEMBANGUNAN BAHARU DI SEBERANG PERAI

**Tarikh Kuatkuasa Pada 1 Mac 2019
Diluluskan Dalam Majlis Penuh Ke-536 (02/2019) Bertarikh 25 Februari 2019**

GARIS PANDUAN PEMASANGAN PATIL NAMA JALAN DAN PAPAN TANDA NAMA TAMAN BAGI PEMBANGUNAN BAHARU DI SEBERANG PERAI

1.0 PENGENALAN

Garis panduan ini bertujuan untuk memudahkan orang ramai/ agensi mengenalpasti sempadan kawasan penyelenggaraan samada dibawah penyelenggaraan Majlis Perbandaran Seberang Perai (MPSP), Jabatan Kerja Raya (JKR) atau strata/ persendirian. Dengan adanya garis panduan ini kekeliruan dan salah faham orang ramai dapat dielakkan di mana segala aduan dapat disalurkan dengan tepat.

Selain dari itu, garis panduan ini juga dapat memberi panduan kepada pemaju, principal submitting person (PSP), jurutera perunding, kontraktor, MPSP dan lain-lain agensi sebagai rujukan bagi memudahkan kerja masing-masing.

2.0 GARIS PANDUAN UMUM

2.1 Secara umumnya, pemasangan patil nama jalan dan papan tanda nama taman adalah mengikut kawasan seliaan seperti berikut :-

Bil.	Kawasan	Di bawah kawalselia/penyelenggaraan
i	Taman perumahan	MPSP
ii.	Kawasan industri	JKR
iii.	Jalan Negeri dan Jalan Persekutuan	JKR
iv.	Jalan dalam taman perumahan (kurang dari 66 kaki / tertakluk kepada perubahan)	MPSP
v.	Jalan penghubung dalam taman perumahan (66 kaki dan keatas / tertakluk kepada perubahan)	JKR
vi.	Kawasan strata	Badan Pengurusan Bersama (JMB)
vii.	Kawasan hakmilik persendirian	Persendirian

2.2 Fungsi Patil Nama Jalan Dan Papan Tanda Nama Taman adalah seperti berikut :-

- i. Untuk mengenalpasti kawasan sempadan/had samada dibawah penyelenggaraan Majlis Perbandaran Seberang Perai (MPSP), Jabatan Kerja Raya (JKR), Badan Pengurusan Bersama (JMB)/strata atau persendirian.
- ii. Memberi maklumat dan panduan kepada pengguna jalanraya.
- iii. Memudahkan pengguna untuk sampai ketempat yang ditujui.

3.0 GARIS PANDUAN KHUSUS REKABENTUK PATIL NAMA JALAN DAN PAPAN TANDA NAMA TAMAN

Spesifikasi rekabentuk patil nama jalan dan papan tanda nama taman adalah mengikut pelan perincian seperti berikut :

Bil.	Perkara	Dibawah kawalselia/ Penyelenggaraan	Pelan Perincian Rujuk Lampiran
i	Patil nama jalan mengikut spesifikasi MPSP	MPSP	Hijau & Putih (Lampiran A)
ii.	Patil nama jalan mengikut spesifikasi JKR (sebarang perubahan tertakluk kepada JKR)	JKR	Biru & Putih (Lampiran B)
iii.	Patil nama jalan mengikut spesifikasi MPSP bagi skim strata Atau persendirian	Badan Pengurusan Bersama (JMB) atau Persendirian	Voilet & Putih (Lampiran C) Rekabentuk tiang tertakluk kepada pilihan PSP/Pemaju sendiri.

iv.	Papan tanda nama taman selenggaraan MPSP	MPSP	Putih & Hitam (Lampiran D) Atau Lain-lain rekabentuk mengikut PSP/Pemaju sendiri (PSP/Pemaju perlu mengemukakan pelan landskap untuk kelulusan. Sekiranya struktur nama taman melebihi saiz yang diluluskan oleh MPSP (3000 x 1000mm) , maka ianya memerlukan pengesahan Jurutera dan pengemukaan pelan bangunan
v.	Papan tanda nama skim strata atau persendirian	Badan Pengurusan Bersama (JMB)/Persendirian	Rekabentuk mengikut PSP/ Pemaju sendiri

4.0 SYARAT –SYARAT PENGEMUKAAN PELAN PEMASANGAN PATIL NAMA JALAN DAN PAPAN TANDA NAMA TAMAN

Syarat –syarat am pengemukaan pelan lokasi pemasangan patil nama jalan dan papan tanda nama taman

- 4.1 Pemohon dikehendaki mengemukakan pelan permohonan pemasangan patil nama jalan dan papan tanda nama taman ke Jabatan Kejuruteraan untuk pertimbangan dan kelulusan sebelum kerja-kerja pemasangan dijalankan di tapak melalui Jurutera Perunding / PSP bersama borang JP 13 (Borang permohonan lokasi pemasangan patil nama jalan dan papan tanda nama taman)
- 4.2 Cadangan lokasi patil nama jalan dan papan tanda nama taman perlu ditanda selari dengan pelan kelulusan penamaan nama taman dan penamaan nama jalan yang diluluskan oleh Jawatankuasa OSC MPSP.
- 4.3 Pemohon dikehendaki mengemukakan 4 salinan pelan lokasi patil nama jalan dan papan tanda nama taman.

5.0 SYARAT-SYARAT PEMASANGAN PATIL NAMA JALAN DAN PAPAN TANDA NAMA TAMAN


Syarat-syarat pemasangan patil nama jalan dan papan tanda nama taman adalah seperti berikut :-

- 5.1 Patil nama jalan dipasang mengikut tatacara Arahan Teknik Jalan JKR.
- 5.2 Kedudukan papan patil nama jalan hendaklah dipasang selari dengan jalan.
- 5.3 Sebatang jalan yang lurus perlu dipasang sekurang-kurang dua lokasi atau lebih mengikut keperluan (contohnya dipersimpangan).
- 5.4 Memastikan tiang patil nama jalan atau papan tanda nama taman tidak menghalang laluan pejalan kaki dan merbahaya kepada pengguna jalan raya.
- 5.5 Tiang didirikan dengan papak konkrit supaya lebih kukuh dan tidak karat.
- 5.6 Patil nama jalan mengikut spesifikasi MPSP dipasang di dalam kawasan skim perumahan dan diletakkan di atas rezab jalan yang diselenggara oleh MPSP.
- 5.7 Patil nama jalan mengikut spesifikasi JKR dipasang di dalam kawasan industri, Jalan Negeri, Jalan Persekutuan dan di atas lain-lain rezab jalan yang diselenggara oleh JKR.
- 5.8 Patil nama jalan mengikut spesifikasi MPSP bagi skim strata atau persendirian dipasang di atas rezab jalan di dalam kawasan strata atau persendirian. Dicadangkan patil nama jalan mengikut spesifikasi MPSP/PSP bagi skim strata atau persendirian (Di bawah penyelenggaraan persendirian) seperti LAMPIRAN C.
- 5.9 Papan tanda nama taman mengikut rekabentuk pilihan PSP/pihak pemaju sendiri bagi skim strata atau persendirian dipasang di atas rezab jalan di dalam kawasan strata atau persendirian.
- 5.10 Papan tanda nama taman mengikut spesifikasi MPSP dipasang di dalam kawasan skim pembangunan dimana jalan diselenggara oleh MPSP/JKR dan diletakkan di atas rezab jalan yang diselenggara oleh MPSP/JKR.

6.0 PELAN PERINCIAN REKABENTUK DAN GAMBAR CONTOH (RUJUK LAMPIRAN)

LAMPIRAN A

Patil nama jalan mengikut spesifikasi MPSP
(Jalan di bawah penyelenggaraan MPSP)




Gambar patil nama jalan mengikut spesifikasi MPSP
(Jalan di bawah penyelenggaraan MPSP)



LAMPIRAN B

Patil nama jalan mengikut spesifikasi JKR
(Jalan di bawah penyelenggaraan JKR)




Gambar patil nama jalan mengikut spesifikasi JKR
(Jalan di bawah penyelenggaraan JKR)



LAMPIRAN C

Patil nama jalan mengikut spesifikasi MPSP bagi skim strata atau persendirian
(Jalan di bawah penyelenggaraan JMB/ persendirian)
(Rekabentuk papan patil perlu menggunakan perincian seperti dibawah, manakala bagi rekabentuk tiang patil adalah tertakluk kepada rekabentuk/ pilihan PSP/pemaju sendiri)




Gambar patil nama jalan mengikut spesifikasi MPSP bagi skim strata atau persendirian
(Jalan di bawah penyelenggaraan pihak JMB/ persendirian)



LAMPIRAN D

Papan tanda nama taman selenggaraan MPSP (Di bawah penyelenggaraan MPSP)



Gambar papan nama taman mengikut spesifikasi MPSP
(Jalan di bawah penyelenggaraan MPSP/JKR)

